

大清光緒十三年

本館新聞除禮拜外日出一張諸君賜閱本報者無論本埠外埠均可函致本館取閱如外埠閱報加寄費可也除日報照常刊送外復不帶工本從英國採辦各書裁紙各機器以待與各官商刊印書籍單件並有英國各體活字及各式花邊等延有西人印工藝甚精所有中西文字均能刊印並有石印印字大小機器均用精工刊

第 一 千 七 百 四 十 五 號

申報

本館開辦在英大馬路門牌五號

印工總辦倫道延有文士書寫各體文字現由上海購到各種書籍出售其書目另行刊佈所有各項價甚相宜再本館所登來札原擇其有關世道人心者附登否亦須無礙於人而後始錄其有謬誤成文以及支離費解者概不登報嗣後諸君來札尚祈自諒更須寫實附里而後敢登但來稿登與不登均不能將原稿收回也 本館謹白

丁亥七月廿六日

凡閱報者每月銀一元每日售錢五文(大英一千八百八十七年九月三十號禮拜二)凡告白第一日每一字一仙第二日以下每字半仙

本館佈啟 ○啟者本館所刊來札須要書明姓字而後敢登業已列明報首上層乃 諸君近所寄到來函囑登本報多有諱其姓名姓彼詩文等類以筆墨為消遣者猶有可原乃有涉及時事者亦目諱其名似此照例實不敢為之登報茲特再為詳告嗣後 諸君有來札囑登本報者務宜明示姓名始收編之列報或有不欲沽名特為諱去者當可另用外號以登報紙而所投本館之信亦須寫明名姓似此方合體裁若但用外號是為匿名實有礙難登報也茲特佈告 閱者諒焉 本館謹啟

論人須知所趨向

天下之人未有甘於坐廢而無所事事者其必有所作為也固可以預決惟視其才之大小其識之淺深其力之強弱而有以成之故其事雖有不同而所以赴之者則一志之所向力之所呈得主則有常失據則鮮當無他由於其心之無定見故其事難竟功也夫天下之事有一定之理即有一定之勢即有一定之勢即有一一定之情如此則是不如此則非者一定之理也如此則成不如此則敗者一定之勢也如此則順不如此則逆者一定之情也是故有是有非者理之一定而不可移者也然有似是非而非之理亦有似非而是之理似是有是非之清而不清不能一定而不知是非之清非理之不能一定實人之不能探夫是非之原有成敗者勢之一定而不可變者也然有先成而後敗之勢亦有先敗而後成之勢似勢有成敗之移而不能一定而不知成敗之移非勢之不能一定實人之不能審夫成敗之機有順逆之情之一定而不可易者也然有此順而彼逆之情亦有彼順而此逆之情似情有順逆之反而不能一定而不知順逆之反非情之不能一定實人之不協乎順逆之宜既如是則一也勢也情也皆有一定不易之准而作事之宜則也而人往往僥倖者蓋未嘗准此一定以制事耳雖然一定之理未易窮也一定之勢未易審也一定之情未易測也苟非極吾心之知以窮究乎天下之理以審度夫天下之勢以揣測乎天下之情雖欲定於一焉乎其能哉大學之言曰知止而後有定蓋謂此也如行路然必知其向然後可登其程必知其方然後可抵其城東至於泰遠西至於邪國南至於濠鏡北至於祝栗謂之四極如欲至於泰遠則必駕言但東如欲至於邪國則必乃魯西顧如欲至於濠鏡則必式是南邦如欲至於祝栗則必奇愛北國夫然後可自西自東自南自北無思不服也苟不如是欲至於泰遠而日誰將西歸則不至於邪國而止欲至於祝栗而日馬首欲東則不至於泰遠而止此無他未知其有一一定之方一定之向故耳且歧路之中又有歧亡羊者且莫知其所往黃帝乃知羊之所在曷以免歧途之惑哉昔黃帝與蚩尤戰於涿鹿蚩尤作大霧軍士迷於四方不知所往黃帝乃命元女法斗極以製指南車軍士始有定見遂擒蚩尤由是觀之則定見亦人之斗極也亦制事之指南車也彼未明乎一定之理一定之勢一定之情其作事也當亦迷其所以往徇何之莫衷一是則見理之未真審勢之未確揆情之未善也其與在五里霧中行若將毋同有授之以指南針者當恍然而知所往矣故人牛行事須知所以用力則無不底於成並知所以造基則更可以持久將無論作何事創何功俱能操之裕如行所無事而不虞其游移罔據而不知所歸矣每見世人作事或誤於魯莽或誤於因循或誤於多疑或誤於瞻顧而推原其故則莫不由心無成竹所見無定焉

巡司回叻

○叻嶼甲三府總巡捕官蘭樂君統轄三府事宜而每歲先期出巡所屬地方茲悉君前者按例出巡嶼甲現公冗已畢言返叻中業於西本月十號即華本月廿三日行抵坡中回轅視事矣茲特錄報以聞

島主遊英 ○刻聞實勝越王偕其正妃定於本禮拜內來叻將附後期法國郵船前往英京云云至於所緣何因則猶未得而悉也

叻嶼甲泉署堂期 ○前錄本坡泉轅定於十六日開堂決獄等因茲再查悉本坡泉署係定於西本月十三號即本日開堂提訊刑訟各案而麻六甲泉署則定於八月十三日開堂至檳城泉堂之期則定於九月廿五日始為開辦云

條可罰款至廿五元結愈若輩初犯故從輕辦嗣後宜慎選憲典俾守王章也除畢諸人唯唯導而退聞此數人中有一人前經制軍奏請以
請察人員之職云

續城官報 ○刺殺橫城巡來郵信云聞正任橫城嶼參政使司查士利亞民君現已無志督辦陳請開去橫城參政之缺風聞查君解
任後其原缺該為本城庫務司士實那君補充其任云

南南回華 ○招商局南輪船之往歐洲也係奉命載運等備戰船之管駕弁兵水手等至歐洲接受諸船俾得駛回華國理諸戰
船業已告成交割而南之公幹已畢故現已展輪回華矣

戰船交割 ○德國與中朝承造之輕遠來遠兩戰船前已將其試水情形登報現聞兩戰船已於西八月十一號即華大月廿三日經
該國交回中國駐德欽差許竹實星使驗收而星使即於是夜開筵宴客以慶功成故使署之中燈火千行衣冠一派其交歡與會有可想而知
者矣

臣分君后 ○沙英亞王與其后不睦故沙后出居俄境各節均經列報刻聞英京日報有謂沙英亞之相臣業已定意使王與后離異
但必須其二人甘心情愿而後可行至其離異之事若成則王世子將送往德京誦讀嗣後世子則歸王有所有束脩以及一切用度皆王為之
經理云

獲賭錄聞 ○廿二夜捕賭巡差巡線至牛車水丁加勞街第廿六號門牌賭計獲有十五人之多聞其所捕之賭係在樓上乃樓下
雜髮店中諸伴亦為所現云觀猶未悉此案作何判結也

冒工作盜 ○二十二日有某輪船由香港來叻泊於丹戎巴葛船中載有茶葉甚多因起至岸傍時丹戎巴葛工廠諸人因起貨甚忙
故猶未荷之入棧也詎有粵人杜某見岸傍堆積茶葉頗繁不禁頓起盜心乃僞充作工人盜取茶葉二箱荷之欲遁詎為巡差所見執扣所以
杜支吾不能對差知其為盜乃執送該處工廠中問其人否係該廠之工廠中人竟無有識其面者至是知為盜匪乃執獲之送交差館請官
究治云


恩怨難分 ○救人之命則恩孰甚焉乃人方受已之恩已旋授人以怨然則此中恩怨實有所難明矣潮人林
某向以小販為生在峇利街中稅一斗室為住宿所兩肩一喙所得無多乃詎料時數不齊病魔纏擾於三月前偶沾微恙不意驟於醫藥漸成
腫脹之症腹大如五斗飽醫治幾窮不特效驗毫無并且日益增劇以至床頭金盡無以為人林自付命運如斯已無生趣今天涯作客既病且
貧觀此情形即不至病死亦將餓死因萌短見遂於二十一日竟開門自縊而林有族人某甲與林同室而居時適由外歸見林局閉室門不禁
大為疑其乃扣其門寂然不應甲知有異即破扉而入見林縊於床中甲大驚乃急將林解下并呼眾至將林救活因問其何以自尋短見林訴
其貧病之艱甲復從傍極力憐之憐苦情形令聞者為之酸鼻時同屋中人親茲情況不禁惻然動念甲即乘機向諸人求助或得延林殘喘於
須臾眾亦親林貧病可憐乃相與贈金得十餘元皆甲為之代收蓋欲藉此以作舟資俾林得歸故里也乃甲將眾所贈之資收訖遂託故出門
買物詎自此一去杳然竟無踪跡眾至是始知甲圖此資潛遁乃四行偵探音耗查如今林臥病在床欲死有所不能欲生亦有所不可惟有臥
以待斃耳嗟乎窮途作客貧病交侵復遇匪人圖其所有林之遭際亦殊慘也夫

惡劇弄警 ○無賴之流每每好惡作劇以侮人以笑人之愚而效己之慧比比皆然也未聞見人之警於目以為可欺遂乘間肆其侮
虐者廿二日有潮人蔡某雙目失明一身淪落因效君平故事日穿街衢博卦資以自給其遇之苦其境之艱凡有人心者自當如何憐恤不
意行至小坡吉靈街有三三無賴道左焉意存輕薄見蔡以小僮先導施施而來戲之曰先生亦知休咎乎蓋與我一卜也蔡以生意臨門漫
應之無賴因導至一空屋使其僮他去乃反扇其門蔡久候聞寂其無人知非好意遂譁然喊救後鄰人聞知即來破扉而入詢知其故咸謂惡
少之無行侮一警雖勝亦不武何如是之無人心乎遂送之而回及其小僮同來見蔡不在亦自歸去云

官場笑柄 ○福建世職某甲性愚拙不解官話初臨撫撫適有同寅邀調宴會者酒半酣席中彼此清談論至近日文章有謂聊齋筆
墨為世上最佳甲遂答曰省城詹斗山堂筆墨亦係出名之物有同鄉友在座職以足而目視曰客言聊齋乃屬小說書名詹斗山乃為店號何
得冒昧爾莽擬于不倫得勿令人齒冷乎甲恍然曰承君指教然聊齋之書雖好終不若吾家網鑑一部為古今大書客皆不解相視而想既而
大悟曰君言網鑑想係網鑑之誤然若網鑑兩字本遠難辨非君之誤實作字者之誤君也合座大噱

婦騎大王 ○福州東門外龍田村有方姓婦年少瘋癲病起力大如牛茫無知識憤在街頭繞走口中喃喃作劉子翼之罵人眾以其
狂態難堪不與計較惟有狂童數人見婦出門則羣聚相隨有擲以磚土者有笑而追逐者有從而罵罵者婦跳躍嬉笑或作商羊舞或效雞犬
鳴或垢面蓬頭類藥又天魔變相如是者多年家人見慣司空不以為意前日忽至附近大王廟中手持繩索一條將神像拽倒以繩縛其頸中
騎之而出若走馬者然踴躍而行自鳴得意眾人見而大譁嗣經紳董訴之地方官將婦獲案即交該家人收管不予深究

白告司公堅士亞活侯



啟者本公司向來開設本坡久為中西商翁所賞識茲承本公司之命託本公司為該公司駐叻代售機器之人本公司既受所託不得不代為力肩鉅任將該公司辦事之誠製造之美以及貨物之多盡舉以告海內諸商翁知悉緣該公司向來開設英京歷久無異素為英國人所賞識不特為英國人所賞識又為鄰國人所賞不特為鄰國人所賞識兼且為天下各國人所賞識蓋因該公司立心持平不遊盡善物料既美製作精所以能邀美譽於本國鄰國及天下各國者皆為此也現計該公司所製造之機器甚多筆墨難以盡述更侯不可備數非親至該公司目擊斷不能備詳所見茲不過略舉其大概言之亦存什一於千百中之意耳至該公司現經運到本公司存貯代售其中件款堆積如山即不可枚舉茲因篇幅太狹不能盡錄以備諸商翁之覽擇其要而通行者略登報端以為諸君採擇焉如木厚水筒皮帶等其價較別家稱為相宜而貨亦視別家為特妙請諸君移玉到本公司一觀真有所聞未盡所見之概不啻遊山陰道中令人接應不暇矣至於本公司又有製造做大薯之機器以及水厚等之機器亦是名目太多不能備列謹此奉告尚祈實然賜顧為慰再本廠現遷至工部局貨倉左鄰諸君光臨請移玉趾是荷


大英一千八百八十七年三月一號

侯活亞士堅公司謹啟

毛質德公司謹啟

4. 謹啟


侯活亞士堅公司謹啟



啟者茲本行由歐洲辦到上等密酒
來叻發售其酒甚佳茲將標頭印出
諸君光顧祈為細認免致有誤倘
有無恥之徒假冒本行銷匙標者本
行定必嚴為控究再此酒不能販往
加勝吧 三寶壟 泗里末
望加錫 檳榔嶼 日裡等處其
他各埠均能運往並此佈聞
一千八百八十六年十一月十
六號 明嗎也洋行謹啟



爐



敬者本公司製造廠開設在新嘉坡直落亞逸尾地方交易多年專造一切
巧機器火鋸火礮以及大礮粒之器具及大小輪船汽機鍋爐並各種新式鋼鐵
器皿一應俱全無不堅固耐久願便合用祇六甲地方本公司開設有分廠並

中外眾國有限保險公司

啟者本公司總局設在香港多年備有資本銀二百萬元已先收股份人來銀六十萬元及餘存銀六十萬元在印係本行代理承保各商貨物銀項配趲輪帆來往各埔其保費扣用照例所有花紅之銀俟結賬之後按數分派前一千八百七十八年一千八百八十年每股得利息銀計五八仙又一千八百八十年至一千八百八十二年每股得利息銀計一八仙諸貴商賜顧者請至本行面商可也 大清光緒九年 月 日 英一千八百八十三年八月廿七號 毛質德公司謹啟

新由上海寄到活字排板石印各書等樣多約計百餘種茲以廉價發售諸尊欲採辦者請到本館選購是荷至其書目太繁不能殫述一另刊清單附呈白覽可也

水少火燥專滋水其氣日失欲補火其水日竭腎脈微細從何以治論 ○且夫水少火燥實由腎經不足人則專責諸房勞所致而吾謂專在子房勞也請申論之憂勞則傷心傷心則不能下交于腎而腎為之一虧惱怒則傷肝肝傷則火日熾斯水日竭而腎又為之一虧飲食勞倦則傷脾脾傷則穀不生精而腎又為之一虧形寒飲冷則傷肺肺傷則不能生水而腎又為之一虧且驚恐亦能傷腎而房勞由其浸焉若耳若專以滋水補火為盡治陰虛水少之長不揣其本而齊其末幾何不至真陰竭于下孤陽飛于上乎愚意以為腎為先天真元之氣脾為後天水穀之氣氣水也水必藉氣以生焉是以先天不足後天亦能補養者蓋精生于氣而氣成于穀使其穀氣不充則氣不能生精而水日虧水日虧而火日熾此時欲補水而氣日失欲補火而水日竭從何治哉即以五臟所傷致累及腎亦由穀氣有嫌生之少而損之多耳則治之之法宜用補氣理脾之劑除頭煎不用只用二三煎去其燥而存其淡以全稼穡之味庶幾中氣健運水日增而火日固雖腎脈微細可至于和平何有水少火燥之患歟未知識者以為然否 古岡陳玉波擬稿

為鬼娶婦 ○粵有鬼婚之俗凡人家子女於幼時已殤者計其可冠可笄之年兩姓相為配合一如生人納采問名之舉及迎娶時男家為男身獨靈一具女家為女像獨靈一具至暮夜時男家紙紮彩轎舁獨靈歸女之駐靈皆剪紙為之必有一傘一摺扇隨轎至時巫祝向男家靈祈請遂將男獨靈迎女獨靈入一如行親迎之禮焉又以紙糊轎宅一所屋中床帳椅案具什物前轎轎冥錢實於其中巫復祝之送男女獨靈入一如行合卺之禮焉巫人祝畢將靈宅前獨靈焚之自後歲時伏臘女鬼之往來於兩家則使人持其傘扇而往來謂即鬼之往來也由是兩家之姻親其相通應甲者如舊婚禮焉新會某鄉梁姓有二男一女長子年十八在省東門力學習武次子年十五在省業蘇杭店生意前因兄弟由省搭船鄉旋失水溺死去年底其女將出嫁星期既過矣忽長子之魂附妹之身向父母言曰我尚未有室妹何先嫁也遂觸父母之餘哀許其卜日完娶曰倉猝間無與為婚者將若之何鬼復言曰如欲覓婦隣村陳某女名阿有者其可也父母即遣人為鬼執柯往訪之陳姓果有女名阿有者已死數年矣兩相撮合成鬼婚焉其父母因女之出嫁期邇也遣人向烟家白其事使改日迎娶俾先娶鬼婦而後嫁女焉於是擇日娶鬼婦鬼復附妹言曰兄向溺於水魂久欲歸苦不識途幸一鬼友導我歸今前在家宜前祀之父母亦從而祀之迨既娶鬼媳子之鬼友復附女身言曰此後汝既有家惟我茫無所歸奈何父母亦許其代娶使不為厲乃鬼友云代娶誠佳然必其妹為可鬼兄亦附妹言與鬼友相角口父母亦云如敢為祟必告於城隍縣之遂多方勸解許裝一紙船滿載楮帛冥資至水濱焚而送之其鬼遂絕跡此則知男女之私殆幽明同具也其女以家中聞鬼之故延至本年四月始出嫁云見廣報

種井溉田 ○今春本報登有胡鐵梅上舍生璋擬仿東洋開井法以溉田疇云云蓋此舉係胡君身親目擊故其言能確鑿如此本欲在揚州上海等處創設井泉公司先行試辦惟華人均未目覩疑信交參故此舉驟難就緒近悉陳芸敏侍御秀瑩以開井灌田實與西北水利有裨業經據情入奏奉 旨交總理衙門議覆茲該部覆奏恭錄左方 再該御史另片 稱監生胡璋訪得旱田取水良法用機器鑿井溉田一節該御史係得之中報因關農務奏請試行查總理衙門於本年三月初六日接據出使日本國大臣徐承祖咨稱據隨員姚文棟代呈監生胡璋說帖訪明開井器械工匠各項價目開具節略並飭隨員帶同工匠赴高田村等處目驗機器已成之井六處方開之利二處著有成效隨經籌繪圖並訪明運用方法五條若果創辦須在日本購買機器全副並備熟諳之人前往教授將來轉相仿效可以聽民自為一器挖掘多井較之開濬河渠勞逸不啻倍蓰其難樣機器當經在署試驗惟未知我國北省地方是否相宜似可購買全副機器並僱日人試辦等因前來查徐光啟農政全書內載有泰西水法二卷汲江河之水者曰龍尾車龍井泉之水者曰玉衡車恒升車又載有鑿井之法其時尚未有植井名目道光中江蘇撫臣林則徐督令知縣齊彥槐造龍尾恒生二車取取旱田極稱得力其法似宜於水鄉而北地高原未必適用茲據該出使大臣所稱植井新法具有圖說與該御史所據以陳奏之說無異惟各處土質不同此項機器是否於畿輔一帶地勢相宜難于懸揣應請 飭下該出使大臣酌購機器一具並僱工匠二名齎送來京督飭試辦如果便利再議推廣行之似於農田水利不無裨益謹 附片具陳伏乞 聖鑒 奏

偽書賺妓 ○有江湖者數人素餬其口於四方而食其藝者旅寓於肇城客店適前月二十六日至二十八日連天下雨二十九日猶陰雲四合乍陰乍陽之數人者不能出門以市其藝狀頭金盡旅況蕭條數人私相語曰計窮力盡何以為炊中一人曰如天時似天絕我也然豈竟束手待斃耶吾囊中尚有銀少許可以之盡買洋烟往各妓館一談一則可以消遣旅懷此中自有生計於是偕一二人往初到一寮小坐開燈吸煙茶罷後問妓小字妓答之少頃而出旋往別寮復如前狀遍歷各寮妓之小字一一識之而歸其人粗通翰墨於是按其妓之小字偽為所歡者達以情箋各書一通函面或寫給信資二錢或給一錢或給百十連編累牘大略皆叙從前之歡別後之感妓之離合悲歡無不可懸揣而得也書畢即使一人作寄書郵狀按其名記其寮口而投之妓不無所歡而別去者聞有投以情箋無不欣然而接方以為金玉之音也莫不樂給以信資歷派其信收資而歸共計得銀一兩有餘並錢數百文遂買春賞雨以消旅況焉此雖行騙亦騙之近於風雅乎 珍味齋 〇竹斃花猪海南珍品也竹斃不知作何狀花猪一品相沿以為即猪肉蘇東坡惠州詩五日一食花猪肉解者亦以猪肉

目之幾無能指其謬者利有友人自臺灣寄書本館曰比來海外非惟親親竹聽之狀而花猪亦並得其詳竹聽生竹園中每於竹根淺處穴土以居其形如兔耳稍短口較闊毛色潔白而帶黃黃色或黑色專食竹葉呼為竹鼠黑食之有竹葉香又似樹樹幹直而無附枝每抽一節則四圍放葉一重越其葉之未放者其抄兩三尺煮食之脆若荷甘若蜜清芬滿口真佳品也土人呼為橫橫竹又呼為花猪惟食一節則全樹為毀非大風吹折不肯採以充饌五日一食殆亦以其難得也東坡之嗜此其是矣

術士祈雨 ○五月間保定省會天氣旱乾百官士庶虔誠祈雨至二十七八日得雨二寸有奇六月初六日又得雨寸許農田既既足聞農人所祈計窮有數村庄公請一術士於孔道搭臺前設香案後置棺木合眾紳耆守棺四隅術士喃喃祝畢書符付丙急入棺內令守棺人力按棺蓋少頃即雨如或不驗作法從同據稱由再而三無不雨者而既雨之後約計三年術士必死故索謝殊奢是日作法祈求如響斯應噫水旱偏災關乎運會雖書有桑林之禱詩傳雲漢之章然未必有求輒應者是日之兩殆適逢其會耳何物術士借此惑人竟敢貪天之功以為己力也

總譯需才 ○總理衙門此次考取出洋游歷人員每員須帶翻譯一人在總署同文館學生內酌派其上等者或擬留用或不願往次者又恐不能勝任堂官於此蓋殊躊躇矣

滬被屏藩 ○五月之杪聞有朝鮮官督運紅參一萬五千勛自朝而入奉天境向軍署遞稟聲稱做邦地狹民貧而內憂外患子無甯日思購軍械無款可籌茲擬賣參於津滬等處得費購械求免稅放行等語慶軍帥詢之東邊道為言高麗紅參入境計有二萬二千勛此次之參即在其內若予豁免稅項恐開僥倖之端且征收或虞短絀而軍帥仰體 國家字小之義為之指摺奏 聞聞已奉 旨加恩免稅矣查朝鮮自與中國互市以來由仁川而達津沽一水之便何必迂途取巧其中似有別情而 朝廷寬大之恩不加深究 深仁厚澤下逮屏藩朝鮮君臣宜如何永矢忠誠哉

京報選錄 ○頭品頂戴雲南巡撫臣邊寶泉跪 奏為續參疏防奇庫銀兩被劫員弁請 旨交部議處恭摺仰祈 聖鑒事竊前據尉氏縣稟報一城縣批解丁耗河夫房雜稅銀行至該縣寄庫被賊拒傷看役劫去銀二千餘兩賊未獲當經 奏請將該縣許文錫該汛李世榮摘頂勒限緝究逾限不獲再行嚴參於三月二十六日奉到 硃批許文錫李世榮均着摘去頂戴勒限緝拿賊究辦餘依議該部知道欽此欽遵嚴飭去後迄今已逾一月限期雖被劫銀兩業由該縣掃數賠解惟並未緝獲此案正盜捕務實屬廢弛未便以事姑容茲據藩臬兩司轉據該管道府詳揭前來除再嚴飭勒緝外相應請 旨將尉氏縣知縣許文錫尉氏汛把總李世榮先行交部議處以示懲儆理合恭摺具陳伏乞 皇太后 皇上聖鑒訓示謹 奏奉 硃批許文錫李世榮均着先行交部議處欽此 ○頭品頂戴兼署總督湖北巡撫臣奎斌跪 奏為湖北省光緒十二年秋冬二季收支牙帖盤金銀錢數目恭摺具陳仰祈 聖鑒事恭摺照同治七年十月欽奉 諭旨釐金部部章程著照兩淮鹽釐格式每年分兩次奏報等因欽此欽遵辦理前已據牙厘總局將四柱四冊造至光緒十二年六月底止詳經前任各撫臣會同督臣恭摺 奏報在案茲據湖北布政使顧德馨會同總辦牙釐局司道詳稱自光緒十二年七月起至十二月底止除洋藥釐稅銀兩係儲候部撥應另案造報外貨釐舊管項下實存市平荆沙銀四千九百五十七兩四錢一分四釐零新收項下實收市平荆沙銀二十八萬二千一百二兩三錢陸釐零又收錢八十七萬六千六百六十七兩七錢四分三釐二毫六絲六忽六微巡防保甲員弁薪水經費銀一萬一千三百七兩發庫色新寶銀九萬七千兩合市平荆沙銀十萬一千九百四十三兩一錢二分實解湖北善後總局市平沙銀十二萬四千九百七十四兩九錢五分九釐零又遵奉 奏准撥給秋冬二季善後局委員薪水雜用銀五千一百三兩六錢巡防保甲員弁薪水經費銀一萬一千三百七兩發審委員薪水經費銀一萬六千三百三十兩武職操練司箭月課獎賞銀三千八百二兩救生紅船水手口糧經費銀二萬八千八百八十兩又提牙釐各局局用八分經費銀二萬二千五百六十二兩五錢八分四厘共支市平荆沙銀二十七萬三千七百九十三兩二錢六分四厘零實解湖北善後總局錢八十萬一千一百四十四兩四錢八分四厘共支市平荆沙銀二十七萬三千七百九十三兩二錢六分四厘零實解湖北善後總局錢八十七萬七千七百文解解支外實在項下仍存發釐市平荆沙銀一萬三千七百九十六兩四錢五分八釐零歸入十三年造冊報銀等情造具清冊詳請具 奏前來臣覆核相符除將清冊咨送戶部戶科外理合恭摺具 奏伏乞 皇太后 皇上聖鑒再湖廣總督臣兼署毋庸列銜合併陳明謹 奏奉 硃批戶部知道欽此 ○兩廣總督臣張之洞廣東巡撫臣吳大澂跪 奏為病故知縣欠解交代銀米延不完解請旨革職勒限嚴追以重庫款仰祈 聖鑒事竊據廣東布政使高崇基署督糧道益齡會同交代總局司道詳稱查有已故前署封川縣知縣周濟仁交代初案限滿未據造冊移交後任結報先經咨部查參在案現據該故員於二案限內造冊結報到司因欸目不符發回改造查得該故員有徵存五雜欸銀二千五百餘兩米四百六十餘石迭經勒限嚴催未據完解詳請參追前來相應請 旨將已故前署封川縣知縣周濟仁暫行革職勒限該家屬四個有將欠解銀米掃數完解倘逾限不完或解不足數即行查明是侵是挪分別嚴參所有參追已故知縣欠解銀米緣由謹合詞恭摺具 奏伏乞 皇太后 皇上聖鑒訓示謹 奏奉 硃批周濟仁着暫行革職勒令該家屬限期完解餘依

知縣欠解銀米緣由謹合詞恭摺具 奏伏乞 皇太后 皇上聖鑒訓示謹 奏奉 硃批周濟仁着暫行革職勒令該家屬限期完解餘依

知縣欠解銀米緣由謹合詞恭摺具 奏伏乞 皇太后 皇上聖鑒訓示謹 奏奉 硃批周濟仁着暫行革職勒令該家屬限期完解餘依

知縣欠解銀米緣由謹合詞恭摺具 奏伏乞 皇太后 皇上聖鑒訓示謹 奏奉 硃批周濟仁着暫行革職勒令該家屬限期完解餘依

知縣欠解銀米緣由謹合詞恭摺具 奏伏乞 皇太后 皇上聖鑒訓示謹 奏奉 硃批周濟仁着暫行革職勒令該家屬限期完解餘依

議該部知道欽此 ○李斌片 再查光緒十三年京餉湖北省奉撥地丁銀十五萬兩業經先後籌撥銀十二萬兩分比解 京交收嗣奉
劃撥銀四萬兩解濟西征欠餉亦經如數動撥解赴甘肅轉解濟用均經 奏報在案茲據湖北布政使蕭德標詳稱復於地丁項下動撥第五
批京餉銀三萬兩查於前任來鳳縣知縣唐殿華堪以委解等情詳請 奏咨前來除咨轉給委員妥速起解並飭將應解銀兩續籌委辦外
所有籌撥本年第五批地丁京餉銀兩委員督解赴 京交收緣由理合附片具陳伏乞 聖鑒再湖廣總督係臣兼署毋庸列銜合併陳明謹
奏奉 硃批戶部知道欽此

以偽亂真 ○嘗謂生財有道必先去偽以存誠而與世無爭何不離人而立獨乃以誠就亂玉魚目混珠心愈勞品愈下矣啟者本號
宜香茶庄歷年親到武夷山採辦各款名巖包種運到叻中發售屢蒙 貴客深信故能遠近馳名乃近有無恥之徒希圖射利不計羞惡以偽
亂真假冒宜香招牌欺人罔覺四處賤售似此味良喪德誠誠獸畜之不如彼既有貨營生胡不自立門戶又何必借人之冠裳而壯自己之體面
做假本欲置之法章稟官究辦惟以厚道待人尚望其改過自新耳自此告白之後若仍怙惡不悛定必指名控拘一經彰揚有何面目以自立
於羣倫之上哉 諸君光顧尚祈細認本號印標茶式氣味庶不致為偽者欺是所甚幸
大清光緒十三年丁亥七月二十五日 新嘉坡馬車街聲利號謹白

國家地段出投 ○啟者茲有國家地段定於西十月三號即華八月十七日禮拜一下午二點鐘在巴越館內出投其地分作三起計
第一起係坐落直落亞逸街士甸釐街絲絲街 第二起坐落吉靈禮拜堂邊即國家大書塾後面 第三起坐落真珠山脚即昇平戲園之
後以上各地其地均存於本理地司署內以備查閱至於投地章程應照西一千八百八十六年所立第二條章程而行 諸君有合意購買
者請如期至巴越館中投買可也 大英一千八百八十七年九月十三號 理地司何順謹啟 拍賣人巴越承投

請送銜名 ○啟者茲本局已將屆推選人員之期茲特援照所定新章於六閱月以前先為通知叻地 諸君如有住屋每年租價在
一百五十員之上者祈將姓名住址詳細書明於西本月十五號即華本月十八日以前投交本局以便注册登記俾屆期得以投票公舉是為
厚望至於婦女及廿一歲以下之童子則無庸列送特此佈聞 大英一千八百八十七年九月九號 工部局總理人不利宜禮謹啟

貴重地段出投 ○啟者茲定於西本月三十號即華八月十四日禮拜五下午二點半鐘在本館內拍賣地段一區該地坐落加籠
地方地旁乃三百四十七號大有五希葛餘其地可作土油火柴棧房已向工部局領有憑照其地圖現存本館以備諸君查閱此地係在大路
乃自來火局對面并通河濱地傍復有一港可通船隻往來以便配運貨物他日更多利益此地乃永遠自主之業投定之後須先交價四份之
一餘款則限二十日以前償清所有詳細章程另有西字列明倘諸君合意者請屆期 玉臨投買是荷
大英一千八百八十七年九月八號 巴越館主謹啟

勝汪錫礦有限公司招股告白

啟者本公司之開設專在勝汪等處開採錫礦為業計集老本銀一十二萬五千元分作六千二百五十股每股老本銀二十元實而認股之
如討股份每份先交壓股銀二元派定股份之後每股再交銀四元嗣至西本年十二月一號再交銀二元明今二月一號再交銀二元計共十
元所餘十元則至本公司需用之時先一月預為通知然後集取但每次收取每股不過二元半為止不致多取也茲本公司已舉定董事諸君
為一狀師黎英申 不巴簡來那洋行東主蘇士 實略洋行東主淡甲 牙直里洋行東主牙刺士 李君慶鑄 葉君說勝等及 管理銀
項出入人馬堅代即有利銀行 代理狀師列士黎美申 查核數目人下力山打而音蘇顏 駐叻代理人實略洋行倘 諸君有欲取股份
須於西本年十月一號禮拜六日上午以前將股份票投交本公司以憑酌奪至於壓股之銀可交有利銀行代貯所有討股格式紙以及本公
司之章程小引可向列士黎美申狀師或代理人實略洋行取閱便得至本公司寫字樓現設在土庫後第五號門牌 諸君惠教希勞 玉趾
大英一千八百八十七年八月廿七號 勝汪錫礦有限公司謹白

印度大藥房告白 ○啟者本藥房自去年開張以來多蒙城中諸君賜顧故現在親自向歐洲督辦頂上真料各種藥材不時預便價
甚相宜無論婦孺老幼病症輕重如要醫治請為到館示知便即登門看症分別發藥手到回春每日開門擬自晨早七點鐘至晚十點鐘為率
諸君有就教者請 移玉至小坡大馬路實得力馬房對面第七十五號門牌詢問便得併此佈 聞
大英一千八百八十七年八月十八號 西醫羅實葛謹啟

